



## Universitätsbibliothek Paderborn

**Johannis Meyeri S. Literarum Doct. & Prof. Uxor  
Christiana Sive De Conjugio Inter Duos Deque Incestu Et  
Divortiis, Dissertationes Tres**

**Meier, Johannes**

**Amstelædami, 1688**

Cap. IV. Polygamia simultanea improbatur Eph. V. 32. seq. & I. Tim. III. 2.  
12. Tit. 1. 6. non successiva.

**urn:nbn:de:hbz:466:1-40272**

Apostolum in genere prohibere, ne se fraudent invicem conjuges, addita exceptione; atqui defraudat maritus uxorem, si plures superinducat. Excipit Apostolus casum jejunii & precum. Atque ita ad tempus plane abstinere suadet ab actu conjugali; & netententur a Satana, has duas personas iterum convenire jubet, quæ omnia repugnant polygamiæ.

XI. Denique D. Arcuarius eosque progreditur, ut non tantum licitam, sed & mandatam esse polygamiam, doceat Par. IV. c. III. cum Deut. xxv. 5. tum I. Cor. vii. 9. Locum Mosaicum supra expendimus. Altera objectio ex Paulo pag. 197. vix responso indiget. Qui non plane cœcutit, facile videt, Apostolum cœlibatum & conjugium conferre, quid ορεῖσον, γαμῆσαι ἡ πυρθάρξ, an meius sit nubere, sive nuptias contrahere, quam uri. De polygamia altum silentium. Qui enim suadet abstinere plane a conjugio, etiam ab una uxore, quomodo ille potest præceptum dare polygamiæ? Adde, Apostolum suatione uti, non præcepto vel imperio: τέτο δέ λέγω κατὰ συγγνώμην, ὃ κατ' ἐπιταγὴν.

## C A P U T IV.

*Polygamia simultanea improbatur Eph. v. 23. seqq. & I. Tim. iii. 2. 12.  
Tit. i. 6. non successiva.*

**C**onsiderationem etiam merentur verba ejusdem Apostoli Eph. v. 23. sq. & 30. 31. ubi repetit matrimonii institutionem ex Gen. ii. 24. Major hic ex instituto divino inter conjuges conjunctio docetur, quam inter parentes & liberos. Sicut igitur sponsus vel maritus unam sibi jungit sponsam vel uxorem, ita Christus Ecclesiam. Non enim singuli fideles sunt Christi sponsa, sicut sunt ejus membra, sed omnes simul sumpti, seu integra Ecclesia, propter unius ejusdemque spiritus communionem. Præterito autem cœtu infidelium & improborum, unum fidelium cœtum amat Christus, tanquam unicam conjugem. Nam fœdus Dei & nunc conjugale est, ut olim cum Israele, cui ita erat vivendum, ne alii Deo se jungeret, sed solius veri Dei cultui addictus maneret, quale propositum Iosuæ fuit cap. xxiv. 15. & 7000 illorum i. Reg. xix. 18. Quemadmodum uxor ea ratione viro adhæret, ut nullius præterea commercium habeat.

II. Si Apostolo polygamia licita visa fuisset, subjectionem uxori  
N n 2 rem

rem per apposite commendare potuisset com. 22. dicendo com. 23. Quoniam vir est caput uxorum, uti Christus est caput Ecclesiae, sive fidelium. Item com. 24. Sicut Ecclesia se subjicit Christo, ita & uxores suo viro se subjiciunt in omnibus. com. 25. vir dilige uxores tuas, sicut & Christus Ecclesiam, & com. 33. Ita & vos suas quicunque uxores ita diligite, ut se ipsum. At Apostolus ubique de viro & uxore in singulari, vel de viris & uxoribus in plurali loquitur, utrumque in pari collocans dignitate.

III. Tandem polygamia propugnatoribus loca illa Paulina opponimus, quae occurunt 1. Tim. 111. 2. 12. & Tit. 11. 6. Δειγμα τὸν ἐπίσκοπον ἀνεπίλεπτον εἶναι, μιᾶς γυναικὸς ἀνδρέα. Oportet igitur Episcopum irreprehensum esse, unius uxoris virum. & com. 12. Διάκονοι ἔσωσαν μιᾶς γυναικὸς ἀνδρέας. Diaconi sunt unius uxoris mariti. Requirit Apostolus, ut non plurimum uxorum, sed μονόγαμος unius uxoris maritus tantum sit, si velit esse irreprehensibilis & sine nexo. Bigamus igitur vel polygamus culpa non caret, quia incontinentia suspicionem incurrit. Primum autem Episcopis & Diaconis interdicta est bigamia & polygamia, quia viguit inter Judæos & gentiles, Christianam fidem & religionem amplexos. Quod testatur Theodoretus, *Olim enim consueverant & Graci, & Iudei, cum duabus & tribus, & pluribus etiam uxoribus simul jungi lege matrimonii.* Cui οὐμόψηφος Chrysostomus, *Non hoc veluti lanciens dicit Apostolus, quasi non liceat absque uxore Episcopum fieri, sed ejus rei modum constituens. Iudeis quippe licuum erat etiam secundo matrimonio jungi, & duas natae rurto simul habere uxores.* Ex quibus insimul, falsissimum esse, liquet, quod Theophilus & Ath. Vincentius fingunt, in ministro Apostolum requirere, ut sit antea uxoratus, & specimen prima prudentiae in gubernatione familie & liberorum educatione edat. Quia haec non est mens Apostoli, qui non positive, quasi eligendus necessario uxorem habeat, sed negative intelligi debet, ne, qui præficitur, aut qui præest Ecclesiæ, plures habeat uxores, quam unam. *Non præcipit nuptias, sed excludit πολυγαμίαν,* recte docet ad h. I. J. Crocius.

IV. Age nunc expendamus, quodnam sit rationum in contrarium allatarum robur. Ad locum Pauli ad Timotheum excipit Th. Aletheus *Theis LXXXVII. primo numerum unitatis, dualis vel pluralis non exclusive positum, non semper excludere majorem pluralitatem, quemadmodum Psal. xxvii. 4. Prov. xxx. 7. Deut.*

XIX. 15. Matth. xviii. 16. 19. 20. Commendari Episcopo matrimonium & imperari, ut ad minimum sit unius uxoris vir, seu maritus, ad movendam suspicionem scortationis. 2. Ab Episcopo ad omnes homines argumentari, fas non esse. Idem Arcarius p. 152. urget. 3. Sicut ex verbis 1. Tim. v. 9. *Vidua, quæ fuerit unius viri uxor,* eligenda, non sequitur, polygamiam muliebrem esse prohibitam, ita etiam non sequi, quando Episcopus debet esse unius uxoris vir, polygamiam virilem esse prohibitam. Eadem est objectio Grotii. 4. Excipit Athanasius Vin. *Unius dici non unicæ.* Confert loca Matth. 28. 1. Marc. 16. 1. Luc. 24. 1. Joh. 20: 1. ubi *μία σαλεύσατων* prima sabbatorum dicitur.

V. Ad quæ commenta responsiones sunt in promtu. Nam 1. Theophilus contradicit Paulo, qui ita commendat unitatem, ut pluralitatem excludat, fatentibus aliis polygamiæ patronis. Quod *ad minimum* esse debeat unius uxoris vir, non additur. Neque Apostolus imperare potuit Episcopo, ut sit maritus, quia cœlibatum commendavit 1 Cor. vii. & voluit ac optavit, ut omnes homines essent sibi similes com. 7. Ostendant nobis adversarii unicum locum, ubi Scriptura ita de uno viro, vel de duobus conjugibus loquatur, ut dicat duos, tres, aut plures. In loco Deuteronomii citato unitas expreſſe excluditur. Ad 2. &c. Episcopis a Deo potestate matrimonium ineundi æque concessa ac aliis hominibus, non immerito argumentari licet ab eorum matrimonio ad aliorum. Oportet saltem, juxta Theophili mentem, aliquid esse Deo displicens in bigamia vel polygamia, quod ferre nolit in Episcopo & Diacono, sive verbi Dei ministris, si vel toleret in aliis. Unde tamen perperam concludit D. Arcarius p. 156. polygamiam sub initium N. T. ab Apostolis esse permittam. Quia, ut dictum, tunc erant polygami, inter Judæos & gentiles ad Christianam fidem conversos, qui tolerari poterant, quemadmodum & hodie, si Turca aliusve gentilis converteretur, qui ante conversionem duas uxores habuerit, tolerantiæ locus foret, sed ab eo, qui vult esse episcopus vel diaconus, rigide id exigit, ut sit *μονογαμος.*

VI. Ad 3. Resp. 1. Tim. v. de vidua sermonem esse, hic vero de Episcopo. Illæ si saepius nubant, levitatis suspicionem incurunt. Penelope Homerica secundas nuptias detrectabat, hac etiam ratione inducta, ne a populo judicaretur levis, quod mu-

lier, quæ sæpius nubit, primos conjuges sincere dilexisse non existimetur, ut pote quorum facile obliviscatur, quod inconstantia minima est laudandæ. Vid. *Hom. Odyss. lib. XVI.* Accedit, quod nec loco citato a vidua requiri videatur, ut non habuerit successore plures maritos, sed ne simul plures habuerit; cum fœminas pluribus maritis misceri apud Romanos, non insolitum fuerit. Vid. *Senecca de Benef.* Cap. ix. Cœlius apud Cicer. *hb. viii. Ep. fam. vii.* Juvenalis *l. ii. Satyr. 6.* Nec male repositum ab Antipolygamo, quem Ath. Vincentius citat, fœminam quoque ratione minus honesta posse multorum esse virorum, scortando, uti Joh. iv. 16-18. Sicut Minutius in *Oetavio* multiviram vocat eam, quæ numerare poterat adulteria. Deinde, fieri mulierem multorum virorum uxorem, si repudiato primo marito injuste, alteri nupserit, quod tum consuetum fuisse, probat Apostolus *i. Cor. vii. 10.* Conf. *Marc. x. 12.* Et hoc genus polygamiæ, cum repudiata uxore vir alteram duceret, vel uxor, repudiato priore viro, alteri nuberet, Doctissimus Camero utroque loco intelligit, nempe *i. Tim. iii. 2.* & *v. 9.* Secundas autem nuptias, imo etiam tertias & plures licitas esse, probant loca *Rom. viii. 2. 3.* *i. Cor. vii. 2. 8. 9. 39.* *i. Tim. v. 13. 14.* Epiphanius *Licetum est, inquit, ut qui non possunt prima uxore contenti esse, secunda post prima mortem jungantur.* Vide Bezam de polygamia successiva, & Joh. Crocium in *i Tim. iii. 3.*

VII. Ad. 4. *R.* Similem esse Pontificiorum exceptionem ad *i. Tim. iii. 5.* *unus est mediator,* non unicus. Cum tamen vocula *ei⁹* non unum tantum, sed etiam unicum significet. Ut ibi unus Deus dicitur, ita unus mediator. Non nego, voces *ei⁹* & *unus* interdum sumi pro *primo*; sed hic locum non habet ista interpretatione, quia Paulus primævam Institutionem respicit *Gen. ii. 24.* quam citat *Eph. v. 31.* quod duo debeant esse caro una.

VIII. Denique Theophilus ex *i. Pet. iii. 6.* fœminas monet, ut Saram imitentur, quæ Abrahamum vocans Dominum tua sponte ancillam suam subministrabat. Ast ex historia constat, Saram tum non vocasse Abrahamum Dominum, cum ancillam substitueret, sed cum Dominus apparetis Abrahao & Saræ filium promitteret *Gen. xvi. 11. 12.* Nec ratione substitutionis ancillæ, sed obedientiæ & virtutum descriptarum com. i. seq. Sara a Petro in exemplum proponitur. Ne dicam, quod hoc in negotio, quando Hagar substituta, non obedientia, sed suatus & impulsus Saræ eminuerit.

CA-